

HEADLINES

- ۱- وزیر اعظم نریندر مودی نے کہیو بھارت اپنی فوج غی ہمیشہ تیں احسان مند ہے جہیرا ملک واسطے سب گجھ کریں۔
- ۲- وزیر اعلیٰ عمر عبداللہ نے کپواڑہ مانہ پاکستانی گولہ باری تیں متاثر علاقوں غو دورو کیو۔
- ۳- مرکزی وزیر ڈاکٹر جتندر سنگھ نے کہیو پیرنگر علاقہ مانہ سرحد ور رہن آلا لوکاں واسطے 600 نوا بنکر تعمیر کیا گیا ہیں۔
- ۴- شویاں مانہ حفاظتی دستاں تے دہشت گرداں بشکار ہوا تاکرہ مانہ تے دہشت گرد مارا گیا۔
- ۵- سی بی ایس سی نے امتحانات غا نتائج غو اعلان کیو 12 ویں جماعت مانہ 88 اشارہ 39 فی صد طلبہ تے 10 ویں جماعت مانہ 93 اشارہ 66 فی صد طلبہ پاس ہوا ہیں۔

PM ADAMPUR

وزیر اعظم نریندر مودی نے آج سویرے پنجاب مانہ آدمپور فجائی تنصیات گو دورو کیو تے بہادر فضائی جواناں وسپایاں سنگ ملاقات کی اس ملاقات غیدوران وزیر اعظم نے اُن غی بہادری نانہ سہرایو تے اُن کا حوصلہ بدھایا سماجی میڈیا ور ایک پوسٹ مانہ وزیر اعظم نے کہیو جے اُن لوکاں غے سنگ ہونو ایک برو خاص تجربو تے محسوسیت ہے جہیزہ بہادری عزم تے با خوفی غی علامت ہیں اُنہاں نے مزید کہیو جے بھارت مسلح افواج غی اُنغی قوم واسطے خدمات ور ہمیشہ شکر گزار رہ گی۔ وزیر اعظم غو یوہ دورو اپریشن سندھور غی کامیابی غیبعد ہوو جہڑو کہ پہلگام دہشت گردانہ حملہ تیں بعد شروع کیو کیو تھو بھارت نے اس اپریشن مانہ پاکستان تے پاکستان مقبوضہ کشمیر مانہ کئی دہشت گرد کیمپ تباہ کیا ہیں تے 100 تیں زیادہ دہشت گرداں نانہ ہلاک کیو یے اسے دوران وزیر دافع راجناتھ سنگھ نے آج نویں دلی مانہ ایک اعلیٰ سطحی میٹنگ غے دوران بھارت غی مغربی سرحدوں غی حفاظتی صورتحال گو جائیزو لیو اس میٹنگ مانہ دفاعی عملہ غ اچیف جنرل انیل چوہان بحریہ غا سربراہ ایڈمرل دینیش کے تریاتھئی فوجی سربراہ جنرل ایندر دیودی تے فضائیہ کا وائس چیف ائر مارشل نرمدیشور تیواڑی شامل ہوا۔ دفاعی سیکرٹری راجیش کمار سنگھ ای اس میٹنگ مانہ موجود تھا۔

CM KUPWARA VISIT

وزیر اعلیٰ عمر عبداللہ نے آج پاکستانی گولہ باری تیں متاثرہ علاقہ کپواڑہ غو دورو لایو ہے پاکستان غی طرفوں کی گئی سرحد پار غی شدید گولہ باری نے جموں کشمیر غ اکیواڑہ اوڈی تے پونچھ غ علاقوں مانہ کہراں تے مزیدی مقامات نانہ نقصان پُجیاو مقامی لوکاں نے بھارتی فوج غے سنگ کھرو رہن کا عزمگو اظہار کیو پانویں حملہ جاری رہی۔ اس موقع ور زرائع ابلاغ سنگ گل کرتا واں وزیر اعلیٰ نے اس طرح کہیو۔

JITENDRA BUNKERS

وزیر اعظم کا دفتر مانہ وزیر مملکت ڈاکٹر جتندر سنگھ نے پیرہ نگر سیکٹر مانہ سرحدی بسنیکاں واسطے 6 سونواں بنکرز غی تعمیر غو اعلان کیو ہے اُنہاں نے کہیو جے سرحدوں غی حفاظت واسطے 2 ہزار انفرادی بنکرز تے کمیونٹی بنکرز پہلاں ہی تعمیر کیا جاچکا ہیں اُنہاں نے سرحدی گرائیاں مانہ ایمرجنسی غی صورتحال مانہ لوکاں نانہ بروقت خبردار کرن واسطے جدید سائرن نظام لان گو وی اعلان کیو پیرہ نگر غا سرحدی علاقوں مانہ عام شہریاں غی شکایات سنن تیں بعد مرکزی وزیر مملکت ڈاکٹر جتندر سنگھ نے اس طرح کہیو۔

CS NOWSHAERA VISIT

چیف سیکرٹری اٹل ڈلو اج نوشہرہ علاقہ مانہہ پُجیا تے اُن لوکاں تیں ملاقات کی جھڑا پاکستانی گولہ باری تے فائرنگ غیوجہ تیں متاثر ہوا ہیں اُنہاں نے اُنہاںشی علاقہ غو وی دورو کیو جت پاکستانی گولہ باری تیں گھراں نانہہ نقصان پُجیو ہے۔ چیف سیکرٹری نے کہیوسرحد غے نال ۹ ہزار تیں زیادہ بنکر بنایا جا چکا ہیں تے آن آلا وقت مانہہ مزید بنکر تعمیر کیا جیں گا چیف سیکرٹری نے لوکاں نانہہ یقین دوايو کہ اُن غی جائیداداں نانہہ جھپرو وی نقصان پُجیو ہے اُس غو پورو معاوضو دتو جے گو اُنہاں نے مزید اس طرح کہیو۔

POONCH ESSENTIAL SERVICES

ضلع انتظامیہ پونچھ نے اج کہیو کہ تمام ضروری سہولیات جسراں کہ صحت غی خدمات تے سپلائی پوری طرح تیں کم کر رہی ہے۔ تے عوام غی ضروریات نانہہ موثر طریقہ سنگ پورو کر رہی ہے ضلع پھر غا اسپتال مکمل طور پر کم کر رہا ہیں تے ضروری ادویات غو مناسب ذخیرہ موجود ہے۔ بنک غی خدمات وی بغیر کسی رُکاوٹ غے چل رہی ہیں تے اے ٹی ایم مانہہ عوام غی ضروریات غے مطابق کافی رقم موجود ہے۔ انتظامیہ نیکہیو کگان پین غی اشیاء پیٹرول، ڈیزل تے ایل پی جی سمیت سارو ضروری سامان کافی مقدار مانہہ موجود ہے۔

TERRORISTS KILLED

جموں کشمیر غا ضلع شوییاں مانہہ ترے دہشت گرد اج ایک جھڑپ مانہہ ماریا گیا یاہ گل بھارتی فوج غی یونٹ اے ڈی جی پی آئی نے سماجی میڈیا ور ایک پوسٹ مانہہ سی جنوبی کشمیر غا شکھرو کیلر علاقہ مانہہ دہشت گرداں غی موجودگی غی مخصوص اطلاع ملن ور حفاظتی دستاں نے اُت تلاشی کارروائی شروع کی۔ تلاشی غے دوران دہشت گرداں نے دستاں ور فائرنگ کی جس ور جوابی کارروائی کی گئی فائرنگ غو تبادلہ مانہہ3 دہشت گرد ماریا گیا فوج نے دسیو کارروائی اجیں جاری ہے۔

RAMBAN HAJJ PILGRIMS

رام بن محکمہ مال گا اسٹینٹ کمشنر شوکت حیات مٹو نے 33 حج زائرین غا قافلہ نانہہ جنمانہہ 11 خواتین شامل تھیں حج ہائس سرینگر تیں روانہ کیو۔ یے زائرین کل سرینگر تیں 2 پروازاں غ زریعے سعودی عرب روانہ ویں غا جت وے حج غی ادائیگی کریں گا۔ اس موقع ور اے سی آر مٹو نے حج زائرین نانہہ مبارک باد پیش کی تے اُن گا سفر واسطے نیک خواہشات غو اظہار کرتا وائ اُنہیں جموں کشمیر مانہہ امن و خوشحالی واسطے دعا کرن غی گزارش کی۔ حج زائرین غا قافلہ نانہہ اُن گا رشتہ داراں، دوست تے معزز شہریاں نے الوداع کیو۔ اس سلسلہ مانہہ رام بن غا ربونیو اسٹینٹ کمشنر شوکت حیات مٹو نے اس طرح کہیو۔ تے حج ور جان آلا ایک عقیدت مند نے اس طرح کہیو۔ دوسری جانب کشتواڑ تیں وی حج زائرین غو قافلو روانہ کیو گیو جس نانہہ کشتواڑ غا ضلع ترقیاتی کمشنر راجیش کمار شون نے رخصت کیو۔ 31 زائرین جن مانہہ 10 خواتین تے 21 مرد شامل ہیں بساں غے زریعے حج ہائس سرینگر واسطے روانہ ہوا۔ یے کل سرینگر بین العقوامی ہوائی اڈہ تیں سعودی عرب واسطے روانہ ویں گا۔ اس سلسلہ مانہہ ڈی سی کشتواڑ نے مزید اس طرح کہیو۔

CBSE RESULTS

مرکزی بورڈ آف سیکنڈری سیجوکیشن نے دسویں تے ہارویں جماعت غا امتحانات غا نتائج گو اعلان کیو ہے۔ 12 ویں جماعت مانہہ اس سال 88 اشاریہ 39 فی صد طلبہ نے امتحان پاس کیا ہیں جھپرا گزشتہ سال غا مقابلہ مانہہ صفر اشاریہ 41 فی صد زیادہ ہے۔ لڑکیاں نے لڑکاں تیں بہتر کارکردگی دسی 91 فی صد تیں زیادہ لڑکی کامیاب ہوئی ہیں۔ تے 10 ویں جماعت مانہہ اس سال

193 اشاریہ 66 فی صد طلبہ نے امتحان پاس کیا ہیں جہیڑا گزشتہ سال غا مقابلہ مانہ صفر اشاریہ صفر ۶ زیادہ ہے۔ تے لڑکیاں نے پھر تیں لڑکاں غے مقابلے بہتر کارکردگی کی 95 فی صد لڑکیاں امتحان مانہ کامیاب رہیں۔

REASI SCHOOLS

صورتہال مانہ بہتری تیں بعد انتظامیہ نے اج تیں ضلع ریاسی مانہ سکول دوبارہ کھولن گو فیصلو کیو ہے۔ یوہ فیصلو حکومت غی جانب تیں جموں صوبہ گا غیر سرحدی ضلاع مانہ تعلیمی سرگرمی بحال کرن غی ہدایت ور کیو گیو۔ اس قدم غے نال ضلع مانہ معمول غی زندگی بھال ہوتی نظر آریہے جت بچاں ایک وقفہ تیں بعد خوشی نال سکول جارپا ہیں طلبہ اُساترہ تے عملہ غی حفاظت نانہ یقینی بنان واسطے تمام ضروری احتیاطی تدابیر اختیار کیا گیا ہیں۔ اس بارے سکول جاتاواں کچھ طلبہ نے اس طرح کہیو۔ دوجے پاسے سرحدی کشیدگی غے باعث ۴ دن بند رہن تیں بعد ضلع ڈوڈہ مانہ وی تعلیمی ادارہ اج دوبارہ تیں بحال ہوا ہیں۔
